

**Date – 25/11/2025**  
**Time - 7:30 -7:40 Hrs**  
**AKASHVANI AIZAWL**

**REGIONAL NEWS BULLETIN**

**HEADLINES (MORNING)**

1. Mizoram sorkar leh NITI Aayog tangkawp chuan Mizoram sawhthing tharchhuah pung chho mek chungchanga inrawnkhawmna leh sawihona ‘Stakeholders Consultation for Mizoram Ginger Produce’ New Delhi ah an buatsaih.
2. Mizoram tlawha lo zin mek Union Minister of State, Agriculture & Farmers’ Welfare Pu Ram Nath Thakur leh State Agriculture Minister Pu PC Vanlalruata te nizan khan Aizawl State Guest House-ah an in kawm.
3. Jaipur-a Sawai Mansingh Stadium ah Khelo India University Games vawi nga nizan khan hawn a ni.
4. International Film Festival of India (IFFI) vawi 56 na chu Goa ah tluang takin neih mek a ni

<><><>

**NITI AAYOG**

Mizoram sorkar leh NITI Aayog tangkawp chuan Mizoram sawhthing tharchhuah pung chho mek chungchanga inrawnkhawmna leh sawihona ‘Stakeholders Consultation for Mizoram Ginger Produce’ chu Vigyan Bhawan, New Delhi-ah an buatsaih a, Chief Minister Pu Lalduhoma chuan a telpui.

He inrawnkhawmna hi Chief Minister, Council of Ministers leh NITI Aayog te nena duan chhuah a ni a, a thil tum ber chu Mizorama kuthnathawktute tharchhuah sawhthing lei leh hralh kawnga harsatna sut kian dan tur sawihona leh market tha zawk, loneituten an hlawk pui leh zual tur dapchhuah tumna a ni.

Mizoram chhunga sawhthing sawngbawl na tha zawk neih leh India ram chhung leh khawvel hmun zau zawka sawhthing thawnchhuah dan tur te an sawi a. Kuthnathawktu pawl (FPOs), Industry leh sumdawng (entrepreneur) te tana kalphung tha zawk leh sawhthing chin leh hralh kawnga Strategic Action Plan te pawh an sawi a ni.

He meetingah hian Chief Minister chuan, Mizoram chu tun hnai kum hnih vel chhungin India rama sawhthing tharchhuak tam ber pawlah a inhlangkai a. Mizoram tharchhuahte hi hmun danga mite aiin a quality pawh a sang deuh zawka hriat a ni a ti. Sawhthing chingtute tan Mizoram sorkar chuan kg khat zelah Support Price Rs. 50 a pe mek a. Kuthnathawktute tanpui duhna thil lung pu, hlawhtlin ngei tum sumdawng (investor) te chu Mizoram sorkarin lawm takin a thawhpuiin a dawngsawng thei reng a ni, a ti a. Chief Minister hian investor-te tana hmalak awlsam tur zawnga sawrkarin industry leh investment policy a siamthat tawh thu a tarlang baw. Sawhthing mai ni lo, thlai thar dang lei leh sawngbawl kawngah pawh Mizoram sorkar chu

Investor-te tan an inhawng hle a ti a, thla thar, ni 5-6 December 2025 a Aizawla neih tur, sawhthing Buyer-Seller Meet-a el vek turin a sawm a ni.

Inrawnkhawmnaah hian sawrkar hotute leh Industry aiawh mi 60 chuang an tel a ni.

NITI Aayog-in rawtna an siam danin Mizoram chu Ginger capital of India tih ni se, sawhthingte chu organic a nih zel theih nan hmalak zui zel ni se, technology sang zawk nena a processing lam kalpui dan kawng zawn ni se, India ram chung chauh ni lovin ram pawna thawn chhuah kawngah pawh hmalak ni se, an ti a. An rawtnate chu chak taka bawhzui zel turin thutlukna an siam a ni.

<><><>

## DP&AR MINISTER

DP&AR Minister Pu K. Sapdanga chuan mipuite tana awlsam nan leh rang zawka service pêk chhuah a nih theih nan District Administration-te chu mini-secretariat anga hnathawk turin kalpui tum a ni a ti.

Hemi ti tur hian Sorkar-in hma a la chho mêk tih sawiin thil eng emaw tih dawn hlek a, thingtláng kilkhâwr zawk atanga Aizawl pan ngai kher lovin, District Headquarters-a tihfel mai theih turin power pawh semzai a ngai a, ‘decentralization of power’ tih dawn hian Sorkar hnathawk thenkhat zingah pawh ui tlat, phal tlat lo, harsatna hlîr ngaihtuah a awm theih a, chung pawh chu ram tana tha tur a nih chuan kan pal luih deuh pawh a ngai ang, a ti.

Nimina Mizoram Civil Service Association (MCSA) Conference vawi 49-na, Aijal Club-a buatsaih a hmanpuinaah he thu sawiin Pu Sapdanga chuan Mizoram Handholding Scheme leh Central Flagship Programme hrang hrangte a taka tihhlawhtlinna chu district-ah a innghat tlat a, chuvangin sawrkar flagship scheme kalpui danah te, law and order enkawlina chungchangah te, revenue administration tihchangtlun zel chungchangah te theihtawp chhuah zel ni se a ti.

MCS officer-te chu mi dang tana nu leh pa chan chang thiam zel tur leh MCS kherna leh sawiselnawmte chu kher lêt ve zel lovin, mahni insiamthat tûlna a awmna lai apianga insiam thatna atana hmang thiam turin a chah a. Mi dangin darkar 5 an thawh chuan MCS officer chuan darkar 7 thawh tur a ni. Mi dang aia thawh tam te, zaidam te, ngilneih te, tlâwmngaih te, rinawm te, hriatthiamna neih te, mi dang thawhpui thiam te, mi dang aia hriatna zau zawk neih te hi ‘premier service’ quality chu a ni a ti.

Minister chuan ‘Vikshit Bharat 2047’ a thlen hunah ‘Vikshit Mizoram’ nih ve tur tih ngaihtuahna nei chungin thutlûkna siam zel turin MCS officer kal khawmte chu a chah a ni.

<><><>

## UNION MOS

Mizoram tlawha lo zin mek Union Minister of State, Agriculture & Farmers’ Welfare Pu Ram Nath Thakur chu State Agriculture Minister Pu PC Vanlalruatan Aizawl State Guest House-ah a kawm a, He hunah hian, Land Resources, Soil & Water Conservation Department changtu Minister Pu Lalthansanga Agriculture & Farmers’ Welfare Department-a thawktute, Land

Resources, Soil & Water Conservation, Irrigation & Water Resources, Horticulture leh KVK hotute an tel a ni.

Pu Thakur-a chuan Mizorama hmun thenkhat a tlawhnaa kuthnathawktute tih hmasawna tura a thil ngaih pawimawhte tarlangin Agriculture & Farmers' Welfare Department hnuaiia Sawrkar laipui scheme hrang hrang chak zawka kalpui a pawimawh thu a sawi. Siaha District-a kuthnathawktute a tlawhna ah mi taima leh thawkrim tak takte a hmuh rualin hmasawna nasa zawk an chan theihna turin an harsatnate sukiang turin Sawrkarin mawhphurhna pawimawh tak a nei, a ti a. Sawrkar laipui kalflanga Agriculture department hnuaiia kuthnathawktute tana tanpuina awm ang angte chu a dawngtu turten a hun taka an dawn theih nan thawktute chu tan la lehzial turin a chah a. Mizoram chu leilung hausakna ngah tak state a nih avangin hmasawna chak zawk a awm theih nan heng leilung hausakna te hi hman thiam a pawimawh thu a sawi baw a ni.

State Agriculture Minister Pu PC Vanlalruata chuan kuthnathawktute dinhmun chawikan nana Sawrkai laipui atanga ruahmanna tha tak tak siam a ni thin chu lawmawm a tih thu a sawi a. Union Minister of State hnenah hian Tung leh Cocoa cultivation kalpuina turin Sawrkar laipuih ruahmanna theihluh a nih tawh thu leh he ruahmanna hi kalpui vat a nih theih nan theihtawp chhuahpui turin a sawm baw a ni.

<><><>

#### LABOUR LAWS

Sorkar laipuiin a nitin inhlawhfa chawpa eizawngte tana dan a duan, Four Labour Laws chu Mizoram ah pawh hman vat a nih theih nan Mizoram sorkar a Labour, Employment Skill Development & Entrepreneurship Development hotuten hma an lak mek thu an sawi.

*Labour, Employment Skill Development & Entrepreneurship Development hotute chuan Four Labour Laws chungchanga sorkar laipui dan duan guidelines chu tunhnaia hriattir an nih chauh thu leh, hemi atan hian inbuatsaihna an theih ang taw a an lo neih lawk tawh thu an sawi a, Mizoram sorkar lo ruahman lawk dan leh sorkar laipui guide lines chu in hne rem tura chinfel vat a nih tur tu leh hemi atan hian a hma thei ang berah thutkhawm an neih vat tur thu an sawi bawk.*

*Sorakr laipuiin a nitin inhlawhfa chawp a eizawngte tana dan a duan, Four Labour laws-ah hian hun hmasa lama dan lo zam tawh, Code on Wages 2019, Industrial Relations Code 2020, Code on Social Security 2020 leh Occupational Safety, Health and Working Conditions Code 2020-te chhun fin a ni.*

<><><>

#### MUP SWACHH BHARAT

Swachh Bharat Mission (Gramin) hnuaiia khawpui fai intihsiakna kal zelah nimin khan Serchhip District MUP bultumin Serchhip khawpui chhungah 'Faina beihpui thlakna- Faina Hnatlang' neih a ni.

He hnatlangah hian Serchhip Town Area huamchhunga MUP Area pathum: Serchhip Area, Serchhip 'N' Area leh Serchhip 'S' Area atangin MUP

Member za chuang an thawk chhuak a. Serchhip AOC Veng atanga Serchhip Bazar tan tlangin Serchhip Damdawi In bul Tuizem Dum kawm thlengin faina hnatlang hi neiin, kawngpui dung leh Bazar tual vela bawhlawh te an thian fai a ni.

MUP Serchhip District huamchhungah hian branch 50 chuang awmin, hnatlangah hian Town Area-a Branch 16 atangin MUP Member te an thawk chhuak a, khawpui chhung khawlai dung bakah Bazarpui leh a chhehvel te vawngfaitu ni theuh turin District MUP hruaitute chuan mipuite an ngen a ni.

Serchhip Bawrhsap Pu Paul L Khuma chuan District MUP Faina Hnatlang thawk chhuakte thingpui lum nan Rs 10000 a pek bakah Serchhip Kawnpui 'N' VC ten Rs. 500 an pe bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

LADC POLL PREPARATION

Lawngtlai District, District Election Officer Pu Donny Lalruatsangakaihhruiin, Central YLA hruaitute nen Person on Election Duty (PED) Voting leh Poll Day -a duty dan tur nimin khan sawiho a ni a.

Pu Donny Lalruatsanga chuan LADC- inthlanpui 2025 - thianghlim leh felfai taka hmachhawm a nih theih nan Central YLA- te nen thawhhona tha tak a awm a pawimawh hle a ti a. Ralmuang leh zalen taka inthlanna awm tura Central YLA- ten thawhho tha an ti chu lawmawm tiin, theihtawp chhuahhpui turin a sawm a ni

Tun thla ni 27 - a Security leh Driver ten 'Postal Ballot' hmanga Postal Ballot Facilitation Centres, DC Complex - a vote an thlak hunah Central YLA atangin mi - 20 duty tir ni se an ti a. Ni 28 - a Govt. Region Higher Secondary School, a Polling Personal - Presiding Officers (PRO) leh Polling Officers (POs) ten Postal Ballot hmanga vote an thlakna turah Gate pawn lamah duty tur mi- 20 ruat ni bawk se an ti a ni.

Hemi bakah hian Vote thlak ni- Dec ni 3 atan YLA Branch - tin te Polling Area - ah PRO- te nen inrawn tlang a duty turin CYLA hruaituten ruahmanna lo siam se an ti a. A bik takin tlai lamah vote thlak tur an tam thin avaning a theih ang angin, PROs - te puih ni bawk se an ti a ni.

Hetihlai hian, LADC hnuai MDC inthlanpui 2025 - lo awm tur atan a inbuatsaihna kal zelah nimin khan Lawngtlai DC Conference Hall, Lawngtlai ah ' First Level checking of EVM' neih a ni a, inthlanpuia hman tur EVM endik hna hi EVM Engineers, Bharat Electronics Limited, Bangalore ten an nei a. EVM khawlte endik a nih hnu hian ' Commissioning of EVM neih leh a ni ang

Puan tawh thin angin LADC inthlanpui chu December Ni 3 khian neih a ni dawn a, Bial 25 ah Candidate 80 awmin, Campaign ngawrh vanglai niin, Vote thlak nan Electronic Voting Machine hmantur niin EVM enfel hna hi thawh mek a ni.

<><><>

## KHELO INDIA

Jaipur-a Sawai Mansingh Stadium ah Khelo India University Games vawi nga nizan khan hawn a ni. Rajanstan Chief minister Bhajan Lal Sharma leh Union Minister for Youth Affairs and Sports Mansukh Mandaviya te chuan he infiamna hunpui hawna meichher an dep kai a ni.

Hawna inkhawmah hian Rajasthan hnam ziarang leh rohlu te phochhuah a ni a. Thusawiin Union Minister Mandaviya chuan Prime Minister Narendra Modia'n khawvelah India chu infiamna lama dinmun sang taka dah turin hmachhawp a neih thu a sawi a. Hemi hmahlir ti hlawhtling tur hian Khelo India chu kalpui anih thu a sawi a, he intihsiakna hmang hian ramchung thalai talent nei tha te haichhuah an ni ang a ti bawk.

Khelo India University Games ah hian infiammi 7000 chuang an tel a. Ramchunga University 230 atangin thalai an kalkhawm a. Intihsiakna chi 23 ah neih a ni ang.

<><><>

## IFFI

International Film Festival of India (IFFI) vawi 56 na chu Goa ah tluang takin neih mek a ni a. Film lama mithiam leh hmingthang tak takten an kutchhuak an pholang a. Nimin khan director hriathlawh Rajkumar Hirani-a film leh midang kutchhuak engemawzat chhuah a ni a. Nimina film chhuah zingah hian Japanese film Two Seasons, Two Strangers, WALbanian film – Hana, leh Govind Nilahni-a'n 1984 a siam – Party te chhuah a ni a. Lala and Poppy leh The Pursuit of Spring te pawh chhuah a ni bawk.

<><><>